



Broj: 06-04-2435-20/23
Sarajevo, 07.02.2023. godine

SKUPŠTINA KANTONA SARAJEVO -OVDJE-

Predmet: Izjašnjenje na zastupničku inicijativu zastupnika Jasmina Šaljića, dostavlja se

Zastupnik Jasmin Šaljić je na Trećoj radnoj sjednici Skupštine Kantona Sarajevo održanoj dana 27.01.2023. godine u okviru tačke Dnevnog reda „Poslanička/zastupnička pitanja, inicijative i odgovori“, uputio zastupničku inicijativu, koja glasi:

“Pokrećem inicijativu prema Vladi i Skupštini Kantona Sarajevo za izmjenu i dopunu Zakona o dopunskim pravima boraca-branitelja Bosne i Hercegovine na način da se izmjeni član 57. ovog Zakona (novčana egzistencijalna naknada) u stavu 2. ovog Zakona na slijedeći način: pravo na novčanu egzistencijalnu naknadu može ostvariti demobilizirani branioca do navršavanja 57. godina života pod uvjetom da je bio pripadnik Oružanih snaga najmanje godinu dana, da je prijavljen kao nezaposleno lice kod nadležne službe za zapošljavanje Kantona prije podnošenja zahtjeva za ostvarivanje prava... ostali tekst ovog stava ostaje nepromijenjen.

Uvodi se novi stav 3. u članu 57. koji glasi: zahtjev za ostvarivanje prava demobilizirani branilac koji je bio zaposlen i ostao bez posla, pod uslovima navedenim u stavu 2. može podnijeti nakon što mu istekne period primanja od JU “Službe za zapošljavanje KS” koji ostvaruje po osnovu gubitka radnog mjesta (tri, šest, devet mjeseci).

Stav 3. navedenog člana postaje stav 4.”

Na pokrenutu zastupničku Inicijativu dajemo slijedeće

IZJAŠNENJE

Ministarstvo za boračka pitanja Kantona Sarajevo je sačinilo tekst Nacrta Zakona o dopunskim pravima boraca-branitelja Bosne i Hercegovine koji je usvojila Skupština Kantona Sarajevo i koji je upućen na javnu raspravu u trajanju od 30 dana Zaključkom Skupštine Kantona Sarajevo broj:01-02-20298/22 od 16.05.2022. godine. Nakon provedene javne rasprave, odnosno zaprimljenih primjedbi, prijedloga i mišljenja sačinjen je Izvještaj o rezultatima Javne rasprave i pripremljen Prijedlog Zakona o dopunskim pravima boraca-branitelja Bosne i Hercegovine, te je nakon provedene propisane procedure Skupština Kantona Sarajevo donijela Zakon o dopunskim pravima boraca-branitelja Bosne i Hercegovine koji je objavljen u (“Službenim novinama Kantona Sarajevo”, broj 31/22).



Neki od razloga izrade novog teksta Zakona o dopunskim pravima boraca-branitelja Bosne i Hercegovine jeste i usklađivanje kantonalnog zakona iz oblasti branilačko/invalidske zaštite sa izmjenama federalnih propisa iz ove oblasti, primjena rezultata javne rasprave, te poboljšanje samog teksta važećeg zakona izmjenama i dopunama koje su podstaknute uočenim nedostacima u primjeni istog.

Napominjemo da su propisani uvjeti za ostvarivanje prava na novčanu egzistencijalnu naknadu demobiliziranim braniocima do navršavanja 57. godina života kao i iznos novčane egzistencijalne naknade potpuno isti kao i za demobilizirane branioce sa navršenim 57. godina života propisanih Zakonom o pravima demobiliziranih branilaca i članova njihovih porodica ("Službene novine Federacije BiH", broj 54/19 i 29/22).

Ministarstvo za boračka pitanja Kantona Sarajevo podržava ovu inicijativu i ujedno Vas informišemo da će isto poduzeti aktivnosti na izmjenama i dopunama Zakona ukoliko dođe do izmjena i dopuna federalnog zakona u tom smislu, a u skladu sa raspoloživim budžetskim sredstvima za tu namjenu.

S poštovanjem,

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.

